



Menyuam  
Koobhmoov  
(Miracle)

I am a child  
of God

*Nosanna*

“Menyuam yog tej uas tus TSWV pub dawb rau neeg; menyuam yog koobhmoov los ntawm tus TSWV.” Ntawv Nkauj 127:3



# THE SALVATION NEWS

*Koo Kiam Zoo*



COPYRIGHT © 2010-2021 by **The Salvation News**  
All Rights Reserved. Revised 2019

No part of this publication may be reproduced in any form or by any means without the publisher's prior written permission

# THE COVER


July - September 2021  
Vol. 8 - Issue 33

## MIRACLE CHILD!

# Table of Contents

### ARTICLES

- 4 **Worship Location**  
*Chaw Teevhawm Vajtswv*
- 5 **Twv Vajluskub**  
*Koj Paub Vajluskub Npaum Licas?*
- 9 **Sibpab Tua Nyuj Faib Cov Ntseeg Noj**  
*by Vachinzong Lor*
- 15 **Yexus Tej Txujci**  
*by Chu-Yin Her*
- 22 **Peb Ntseeg (We Believe)**  
*SCG 14th Doctrines*
- 23 **Word of Wisdom**







**CALIFORNIA LOCATION:**

1. **Fresno Salvation Church of God**  
4626 E. Dakota Ave, Fresno, CA 93726  
Pastor Xenger Jeremy Xiong, (559) 310-0229  
Lead Deacon Timothy Xiong, (559) 301-5992
2. **Living Gospel Salvation Church of God**  
918 Sierra Drive (*Worship Address*)  
Modesto, CA 95351  
Elder Chertzong Xiong, (209) 331-3561
3. **Marysville Salvation Church of God**  
5286 Feather River Blvd. (*Worship Address*)  
Olivehurst, CA 95961  
Tubtxib Kou Yang (Tswv Pab), (530) 218-6851

**MINNESOTA LOCATION:**

4. **Hmong Salvation Church of God**  
540 Wheelock Pky E, (*Worship Address*)  
St. Paul, MN 55106  
Rev. Sia Ge Kong, (612) 760-2678
5. **Redeemer Salvation Church of God**  
5050 Hodgson Road (*Worship Address*)  
Shoreview, MN 55126  
Pastor Chueneng Yang, (612) 845-9305  
Asst. Pastor Chentzeng Vaugh, (612) 280-8444

**WISCONSIN LOCATION:**

6. (New Congregation)  
**Madison Salvation Church of God**  
5301 Commercial Ave. (*Worship Address*)  
Madison, WI 53704  
Elder Ger Vang, (608) 658-6912  
Deacon Pao Moua, (414) 477-2477
7. **Milwaukee Salvation Church of God**  
7256 W. Center Street (*Worship Address*)  
Wauwatosa, WI 53210  
Rev. Vachinzong Lor, (414) 731-2160  
Elder Thai John Xiong, (414) 239-4894



8. **New Salvation Church of God**  
3565 Finger Road, Green Bay, WI 54311  
Pastor Anthoni Kao Her, (920) 784-8696  
Elder Chong Thong Ly, (920) 246-5474

**FLORIDA LOCATION:**

9. Florida's Congregation  
19655 Willow Road, Wimauma, FL 33598  
Elder Walong Lo, (941) 786-0369



# Twv Pajluskub

## Koj Paub Vajluskub Npaum Licas?

### **A: Xaiv seb nqe lus teb twg thiaj li vog**

Tej Tsiaj Nyob Hauv Vajluskub

1. Thaum Xaxoo mus yuav nws tus hluas nkauj nws txawm los txog rau ntawm tus tsov ntxhuav uas nws ntau tuag. Thaum Xaxoo mus xauj hauv tus tsov ntxhuav lub plab nws pom abtsi nyob rau hauv?  
A. Ntab  
B. Nas  
C. Ntsaum  
D. Kablia
2. Yauhas tus muab neeg ua kevcai rausdej hnav ris tsho tshiaj plaub abtsi?  
A. Yaj  
B. Noog  
C. Ntxhuav  
D. Nyuj
3. Yexus caij tus tsiaj abtsi mus rau hauv Yeluxalees?  
A. Yaj  
B. Nees Luav  
C. Nyuj  
D. Twm

### **B: Sau qhov lus teb rau ntawm txoj kab**

4. Peb xyoos mas Thasi cov nkoj yuav thauj kub thauj \_\_\_\_\_, thauj kaus ntxhw, thauj \_\_\_\_\_ thiab noog \_\_\_\_\_ tuaj ib zaug.

5. Kuv quaj yam nkaus li tus \_\_\_\_\_ thiab yam nkaus li tus \_\_\_\_\_, thiab kuv ntsaj ib yam nkaus li \_\_\_\_\_.
6. Yawmsaub hais rau Aphas tias, “Cia li koj ib tug maum \_\_\_\_\_ muaj peb xyoos, ib tug maum \_\_\_\_\_ muaj peb xyoos thiab ib tug txiv \_\_\_\_\_ muaj peb xyoos, thiab ib tug nquab taug thiab ib tug rhaws nquab nyeg tuaj rau kuv.”

### **C: Tseeb los Tsis Tseeb**

7. Muaj ib zaj pajlug hais tias, “Dev rov noj dev ntuav” thiab hais tias “Tus npua uas luag muab dej ntxuav huv-huv lawm nws rov qab mus da pas av dua.” \_\_\_\_\_
8. Yexus txawm hais rau lawv tias, “Cia mus hais rau tus niag dev ntawd tias, ‘Saib maj, kuv yuav ntiab dab tawm thiab kho mob rau hnuv no thiab tagkis mas hnuv peb kuv yuav ua kev tes haujlwm kom tiav. \_\_\_\_\_

### **D: Leejtwg yog tus hais qhov lus no?**

10. “Vajtswv yeej txwv kom neb tsis txhob noj txhua yam txiv ntoo uas nyob hauv lub vaj no tiag los?” \_\_\_\_\_
11. “Kuv ua txhaum koj abtsi? Vim licas koj thiaj ntaus kuv peb zaug lino?” \_\_\_\_\_
12. “Tsib tug noog tsev, luag muag ob xu xwb puas yog? Txawm yog ib tug noog tsev xwb los Vajtswv yeej saib ntsoov.” \_\_\_\_\_





# Txhais Npab Puag XUBPWG

Vachinzong Lor Milwaukee, Wisconsin

“Tiamsis koj yuav tsum xaiv ib co txivneej uas muaj peevxwm hauv cov Yixalayeas thiab tsa lawv ua cov thawj kav cov pejxeem: tsa thawjcoj kav ib txhiab leej, kav ib puas leej, kav tsib caug leej thiab kav kaum leej. Lawv cov no yuav tsum yog cov uas hwm Vajtswv, yog cov uas sawvdaws cia siab tau rau thiab yog cov uas tsis yuav luag tej nyiaj xiab.” - Khiav Dim 18:21

**U**A ib tug thawj tuav tegnum coj. Txawm tuav tegnum coj rau seem twg twb puamchawj. Qhov tseeb nco ntsoov tias lub meejmom ua tus thawjneeg tuav tegnum tuaj tom hauvntej coj sawvdaws mus caum

lub homphiaj tus npausuav uas tau teeb tseg tsis yoojyim thiaj yuav siv leej tibneeg muaj zoo tswvyim thiab coj zoo tiag thiaj tiav. Vim li ntawd, thaum ib tug thawjneeg twg tau tuav tegnum coj lawm, lwm tus thiaj pheej nrhiav kev tabkaum kom tus tau tegnum ntawd tsis txhob tiav thiaj muaj lossis tshwmsim tau sob lus tias, “Sib txeeb thawjcoj lossis sib

txeeb nom.”

Tus thawjneeg tuav num coj uas coj tau zoo pab tsoom pejxeem thiab txhawb tau pawgntseeg zoo, muaj kev vammeej, loj hlob thiab nyob haumxeeb zoo lawm nws tsis txhob xav tias, kuv twb ua tau txhua yam zoo lawm yuav tshwmsim tsis tau kev kub ntxov lawm lau? Qhov tseeb ib qhov xwmtxheej phem yuav tshwm los txov tus thawjneeg tegnum yog tshwm los ntawm nws tug zoo phoojywg uas yog thawjneeg ib yam li nws. Phoojywg thiab phoojywg, nom thiab nom, thawjneeg thiab thawjneeg muaj kev paub, txawj, ntse, thiab paub tab sib txig ib yam lawm, yog tsis yog phoojywg tseeb, kev phoojywg yuav txo tau koj lub meejmom thawjneeg kom poob tau. Kev ntseeg siab ntawm phoojywg zoo coj tau koj mus tob heev rau hauv nruab plawv yuav ua rau koj qhia txhua yam hauv koj lubneej rau tus phoojywg ntawd.

Leejtwg thiaj puag tau tus







thawjneeg uas tuav tegnum coj tau zoox xubpwg? Tus yuav puag tau tus thawjneeg xubpwg yog nws tus niamtsev uas niajhnuv nrog nws ua-ke thiab tus phoojywg zoox heev thiaj puag tau tus thawjneeg xubpwg xwb.

### **Ntsiab Lus Ntawm Kev Puag Xubpwg Yog Abtsi Tiag?**

Muaj qeeleej tshai twb paub tsis meej ntsiab lus ntawm phoojywg kev puag xubpwg. Phoojywg kev puag xubpwg tsis tau txais tias, yog puag li nkawm niamtxiv sib puag tabsi yog kev sib hlub yam qhib siab lug ntawm khub phoojywg zoo. Muaj ntau thiab tsawg los nkawv sib faib noj sib faib haus. Xwmtxheej kev ntxhov siab tshwm los sib qhia, sib txhawb, thiab sib pab daws tej teebmeem.

### **Txhaisnpab Puag Xubpwg Zoox Li Hais Puas Tsim Tau Teebmeem Rau Tus Thawjneeg Tuav Tegnum Ua Tus Coj?**

Txawm koj yuav xav licas los zoo tabsi qhovtseeb ntawm kev phoojywg kuj yuav tsim tau teebmeem vim tibneeg tsis yog ua phoojywg rau koj ib

leeg hauv koj lossis hauv tus phoojywg ntawm lub simneej xwb nkaus. Ib tug tibneeg twg, nws yeej muaj ntau tus phoojywg thiab ntau tus phoojywg ntawm nyias yeej muaj nyias phoojywg thiab lawv kuj ua phoojywg zoo ib yam li nws ua koj tus phoojywg. Txhaisnpab puag xubpwg yuav tsim tau teebmeem raws li cov nqe lus nramqab no:

Txawm kev phoojywg yuav zoo npaum twg los, koj yeej tsis paub qhov nws yuav muab koj tej lus, cwjpw, num, coj mus qhia rau lwm tus. Ib qhov num ntawm tus phoojywg uas nws ua, yog nws pheej muab lwm tus tibneeg tham qhia koj heev npaum licas ces kom koj paub tias, nws muab koj tuskheej coj mus tham qhia lwm ntus heev npaum li ntawd thiab tiag.

Ntau zaus koj tej lus yuamkev, lus hais tso dag ua-si, yam num yuam kev, thiab yam koj twb tsis suav ua tseemceeb tabsi nws ho muab suav ua tseemceeb los tawm

tsam koj

Nws ua txuj ua zoox kom koj tso siab plhuav qhia txhua yam num hauv tegnum thawjcoj rau nws tabsi qhov tseeb yog nws yuav tuaj nyiag koj lub tswvyim coj mus tsim tau nws tegnum sawv los nrog koj sibtw.

Nws siv kev phoojywg ua kom koj muab nws saib hlob tshaj koj tus niamtsev thiab koj cov menyuum. Saib saum txojcai, koj tsevneeg, kwvtij, neejtsa, thiab zejzog los yeej ua tau timkhawv tias, koj saib phoojywg hlob tshaj koj tsevneeg. Sijhawm no, koj tsevneeg yuav tig rov rhuav koj tegnum thawjcoj. Tus thawjcoj uas raug nws tsevneeg lauj ces txawm yuav sibzog npaum twg los, nwg tegnum twb tuag hauv lub plawv lawm tsuas yog tshuav sab nraud tseem zoo saib xwb qhov tseeb hauv plawv twb khooblug cia twb tsis ciah sia lawm.

Nws raug lwm tus tibneeg



ntiav nyiaj ntau heev kom tuaj ua phoojywg nrog koj thiab muab kom tau txhua yam koj muaj thiab yam koj ua koj mus rau tus neeg ntiav nws. Tseeb tiag, koj tus phoojywg raug koj tus yeebncuab ntiav tuaj tshawb kom tau koj lub plawv mus rau yeeb ncuab.

### Yuav Tivthaiv Licas?

Txhaisnpab puag xubpwg zoo no yuavtsum ua twb zoo saib kom meej thiaj pab tau kom koj tus phoojywg zoo nyob ruaj khov rau kev phoojywg tsis txhob dhau mus ua yeebncuab thiab kom koj ho paub tseeb tias, nws yog leejjtwg tiagx. Phoojywg zoo tshaj plaws, thaum ua yeebncuab ua tau yeebncuab phem tshaj plaws. Tegnum yuav tivthaiv kom tsis txhob tsim tau kev kub ntxhov nruabnrab ntawm koj thiab tus phoojywg zoo yog yuavtsum ua raws li cov ntsiab lus nramno:

Tuav txojcai kev phoojywg kom zoo xwb tsis txhob qhib koj lub qhovrooj hauv sab kev phoojywg rau nws hla txojcai phoojywg. *Yamntxwv tias, neb txawm ua phoojywg zoo npaum twg los koj tsis txhob koj nws mus nkag hauv koj thiab koj tus niamtsev neb lub txaj pw. Vim lub chaw ntawv yog nej li ntiag tug xwb qhua tsis muaj cai nkag mus rau hauv. Txawm yog koj tej menyuam los tsuas yog koj pub mus, lawv thiaj mus tau xwb. Tabsi yog koj tsis ceevfaj, koj tuskheej cia li koj koj tus phoojywg mus hauv neb lub txaj, ib zaug, ob zaug, peb zaug, ntev mus thaum nws xav siv koj tej yam khoom uas koj muab tso hauv txaj lawm, nws cia li ncajnraim mus muab yam khoom ntawd. Nws yuav hais tias, koj yeej pheej koj nws mus hauv neb chav pw, koj twb yeej tso nws mus ntau zaus lawm yeej tsis ua licas?*

*Koj koj nws mus rau koj tej chaw li hais, nws yuav mus pom txhua yam uas koj muaj nyob hauv koj lub txaj chaw. Nws yuav koj koj lub neej hauv koj tej txaj chaw mus qhia rau lwm tus neeg uas yog nws tej phoojywg los koj tsis paub.*

Txawm phoojywg zoo npaum twg los koj yuavtsum tuav

xyov ntev tomntej, tus phoojywg yuav muab koj xyav moo licas?

Twb yog txhaisnpab puag xubpwg los tseem tsim tau teebmeem ua rau tus thawjneeg tegnum thawjcoj tau txais kev plhomsi. Tseemceeb heev uas tus thawjneeg yuavtsum ceevfaj thiab tuav txojcai kev phoojywg kom raws kev phoojywg. Tamsimno



“Txawm phoojywg zoo npaum twg los koj yuavtsum tuav txojcai tsis txhob yuam koj tus niamtsev nrog koj tus phoojywg mus ua tej yam num nkawv ob leeg vim koj tsis khoom, koj muab koj tus niamtsev tso mus nyob koj chaw ua num nrog koj tus phoojywg. Txawm yog nkawv mus ua ncaj ua ncees xwb los, koj yeej tsis paub xyov ntev tomntej, tus phoojywg yuav muab koj xyav moo licas?”



txojcai tsis txhob yuam koj tus niamtsev nrog koj tus phoojywg mus ua tej yam num nkawv ob leeg vim koj tsis khoom, koj muab koj tus niamtsev tso mus nyob koj chaw ua num nrog koj tus phoojywg. Txawm yog nkawv mus ua ncaj ua ncees xwb los, koj yeej tsis paub

yog phoojywg zoo tabsi ib pliag xwb phoojywg zoo kuj dhau mus ua yeebncuab.

# Sib Pab Tua Nyuj Faib Cov Ntseeg Noj


By Vachinzong Lor



Sawvdaws pom zoo tias, cia rub pawgntseeg nyob Madison kom lawv koomtes pab txhawb tegnum kev yuav nyuj tua faib sawvdaws noj. Cov ntseeg nyob Milwaukee sib koom tes yuav nyuj los tua faib li yav tag los twb zoo heev lawm tabsi yog peb rub tau coob leej los koom yuav zoo dua. Tseeb kawg, nws yog lub zoo tswvyim. Xibfwb Vajtsheejzoo hu xovtooj nrog tus thawjneeg tuav pawgntseeg nyob Madison tham. Tomqab ntawd, txhua yim ntseeg uas zwm npe hauv pawgntseeg Madison SCG txaus siab hlo koom tegnum yuav nyuj los tua nyuj faib sawvdaws coj mus noj.

npaj.

Koomtes mus pab tua nyuj zaum no yog cov txivtsev hauv pawgntseeg Madison SCG thiab cov txivtsev hauv pawgntseeg Milwaukee SCG ua-ke sib pab nroos tseev nyuj ntawm qhov chaw tua nyuj. Sib pab muab nqaij nyuj hlais muab faib rau tsoom ntseeg. Yuav nyuj los tua faib cov ntseeg coj mus noj zaum no tau txiajntsim zoo heev vim kev koomtes los ntawm txhua tsev yim ntseeg ntawm ob pawgntseeg. Cov tau koomtes thiab cov tau txais nqaij nyuj coj mus noj, sawvdaws zoo siab thiab npaj siab rau yav tomntej. Yog tias lwm xyoo tsis muaj kev hloov tejzaum sawvdaws yuav rov sib pab thiab koomtes tawm nyiaj txiaj thiab tawm tswvyim ua tej yam zoo los txhawb cov ntseeg kom txoj kev sib raug zoo thiab kev koomtes kom muaj ntau zujzus ntxiv.



**YOO 2021**  
lub caij ntuj  
kub  
(summer)  
dhau los,  
cov ntseeg  
uas zwm rau

hauv Milwaukee Salvation Church of God rov sib pab nyiaj thiab koomsiab tua nyuj los faib rau tsoom ntseeg sawvdaws ib yim ib qhov coj mus noj. Zaum no yog zaum peb (3) cov ntseeg nyob Milwaukee SCG sib pab tua nyuj faib pub cov ntseeg noj. Sawvdaws pom zoo npaj Lub homphiaj sib pab nrhiav yuav nyuj xyoo no yog \$1,500.00. Ze lub caij yuav tua nyuj cov ntseeg pom ib qho tseemceeb tshaj thawj ob zaug ntawm ob lub xyoo dhau los uas sawvdaws twb yuav nyuj los tua faib cov ntseeg.

Kev koomtes li hais los ntawm ob pawgntseeg ua rau sawvdaws lub zog loj dua thawj ob zaug ntawm ob tooj xyoo dhau los. Txhais tau tias, sawvdaws npaj tau nyiaj \$2,000.00. Tegnum kev sib pab nyiaj zaum no thiaj yuav tau ob tug nyuj xws li; tus 1 raug nyiaj \$1,100.00 thiab tus 2 raug \$900.00. Ua tsaug Vajtswv pab ua rau tegnum yuav nyuj tua faib cov ntseeg zaum no tiav tau zoo tshaj qhov sawvdaws





# FWJCHIM

By Vachinzong Lor

## Fwjchim Yog Abtsi?

### FWJCHIM

yog ib yam peemfwj yog lub zog nchav zog loj. Fwjchim tegnum tshwm tau los ua ob yam. Ob yam fwjchim ntawd muaj qauv zoo raws li nram no:

1. Fwjchim txaus ntshai: Fwjchim txaus ntshai yog yam uas tsis muaj leejtwg yu-av tiv tau vim nws rhuav tshem tau txhua yam, ua rau txhua yam raug puastsuaj rau kev plhomsij txov tau tibneeg txojtia. Txawm tibneeg yog tibneeg thiab muaj peevxwm heev los tibneeg ntshai hom fwjchim li hais. Qee yam ntawm hom fwjchim no yog muaj xwsli; xob nthu, xob tua, cuadaj cuadub ntau, qav qeeg,

khaubzeeg cua nplawm, hoobpob tawg, ntsujplig dab hem thiab kev tuag. Fwjchim hom txaus ntshai yog los ntawm nws lub suab, tegnum nws ua tuaj rhuav tshem ua rau txoj sia raug puamtsuaj tau. Nws txoj haujlwm ua thaum twg thiab raug thajchaw twg, thajchaw ntawd raug txais kev puastsuaj puas ntsoog, muaj kev plhomsij poob rau kev tag txojtia.

2. Fwjchim tibneeg: Fwjchim tibneeg tshwm los ntawm tibneeg.

“Ua cas koj raug poob saum ceebtsheej los, lub hnuqbub ci, tus tub thaum ntuj kaj! Koj raug ntiab pov rau ntiajteb, vim qhov koj saib tsis taus cov tebchaws! Koj hais lus hauv koj nruab siab tias, “Kuv yuav tswj tagrho saum ceebtsheej; Kuv yuav tsa kuv lub zimntxwv kom siab tshaj cov hnuqbub hauv Vajtswv; Kuv yuav zaum saum rooj vajntxwv saum lub roob sibsau, saum qhov siab tshajplaws ntawm lub Roob Xasphoo. Kuv yuav nce kom siab tshaj cov huab; Kuv yuav tsa kuv tuskheej ua tus Loj Tshajplaws.” Tiamsis koj raug muab thawb rau nruabntawm txojkev tuag, mus rau hauv qabthu hauv lub qhov tob kawgkiag. Cov uas pom koj lawv ntsia ntsoov koj, lawv hais

tias, “Nws puas yog tus neeg ua rau ntiajteb ntseeg nkaws thiab ua rau tebchaws ua zogkoog, tus neeg uas ua rau ntiajteb nyob docua thiab rhuav tej nroog puamtsuaj tag thiab tsis tso cov raug ntes mus tsev?” **Yaxayas 14:12-17**

“Koj txeev nyob hauv Edee, ntawm Vajtswv lub vaj; txhua hom qezeb hlaws muaj nqes muab lo ua lub tsho rau koj, qezeb liab tsimtseb, qezeb daj peslis, thiab qezeb daj tshiab, qezeb ntsuab lamlug, qezeb ntsuab pesxiab, thiab qezeb iav-txho ci lamlug, qezeb phaithu tsamxem, qezeb ntsuabliab, thiab qezeb ntsuabtxho. Tej hlaws qezeb no muab ntsia rau hauv lub tais kub thiab tej uas txaij nraugzees yog kub. Tej no twb npaj rau hnuv uas tsim koj.

Koj raug pleevroj tsa yam nkaus tubtxib chilus, Koj txeev nyob saum Vajtswv lub roob dawbhuv; koj mus los saum daim lagzeb nplaimtaws cig lamthab. Koj zoo tshajplaws tsis muaj yam thum tau pib hnuv tsim tau koj los txog hnuv tshawb tau kev txhaum nyob hauv koj. Nyob tawm hauv Vajtswv lub roob yam txajmuag ntsuav, thiab Kuv muab koj nchuav tawm, tubtxib chilus, tawm ntawm daim lagzeb nplaimtaws cig lamthab. Koj lub siab khavtheeb vim qhov koj zoo nkauj, thiab koj rov rhuav koj lub tswvyim vim koj txoj kev tsabntse. Yog li Kuv muab koj pov rau ntiajteb; kuv muab koj nthuav rau



tej vajntxwv saib. Tibneeg coob heev ua txhaum thiab koj tsis ncaj yog vim koj tegnum limhiam koj ua hauv chav chaw nyob hloov lawv. Yog li Kuv thiaj ua hluavtaws cigplaws hauv koj tuaj, thiab muab koj hlawv, thiab Kuv muab koj hlawv ua hluav kiag ua pluatshauv rau nruab-av tabmeeg txhua leej uas nres ntsiav ntsoov. Txhua lub tebchaws paub koj lawv tsis tig ntsej tuaj rau koj; koj los xaus rau kev plhomsij phem kawg kiag thiab plojntais mus ib txhis.” **Exekees 28:13-16**

“Thaum muab daim lagzeb puas lub ntiajteb koj nyob qhovtwg? Qhia kuv seb, yog koj totaub. Leejtwg ntsuas nws tus npoonrim? Sub koj paub tseeb! Leejtwg nce mus ntsuas txoj kab sab ibsab rau ibsab? Daim taw tiag lub ntiajteb txawb yog abtsi, lossis leejtwg teeb nws cov cegkaum lagzeb sijhawm cov hnuqbub thaum sawvntxov hu pajsuabseev ua-ke thiab tagnrho cov timtswv qw rau kev xyivfab?” **Yauj 38:4-7**

Txhua leej uas paub zoo txog

Vajtswv txojlus, yuav paub zoo tias yog vim licas Lucifer thiaj dhau los ua dab (devil), zaj (dragon)? Yog vim xav tau fwjchim xwb. Vajtswv tsim tau Lucifer uas yog Vajtswv tus tubtxib. Lucifer xav hauv nws nruabsiab tias, nws xav tau lub fwjchim. Nws txw cov timtswv saum ceebtsheej nrog nws sawv tawm tsam Vajtswv, nws thiaj raug poob nws tegnum vim txoj kev phem ua tawm tsam Vajtswv. Thaum Lucifer rau muab pov rau ntiajteb, nws thiaj dhau los dab ntxwgnyoog, nabtxwj nablaug, raug muab saw hlau ki kaw rau hauv lub qhov tsausntuj. Cov timtswv nrog Lucifer, nimno raug teebmeem loj, niajhnuv ua nws qhev tawm tsam tibneeg ntiajteb rau qhov txhia chaw vim qhov lawv tsis ceefvaj, lawv raug Lucifer ntxias kom tuaj nws tog, nimno tsis muaj lwm txoj kev rau lawv dim tau ntawm txoj kev yuav raug txiavtxim thaum kawg. Rau qhov lawv paub tseeb tias, Lucifer twb swb lawm, qhov lawv koomtes nrog Lucifer tawm tsam Vajtswv, Vajtswv tsis zam txim

rau lawv ib yam nkaus Vajtswv tsis zam txim rau Lucifer.

Thaum Lucifer xav tau fwjchim raws nws siab xav tabsi nws paub tseeb tias, yog nws ib leeg xwb nws yuav tsis yeej, nws thiaj ntxias cov timtswv saum ceebtsheej kom tuaj nws tog yog muaj kev tawmtsam, nws thiaj muaj cov tuaj nws tog. Tseeb tiag, thaum Vajtswv paub tias, Lucifer ntseev siab lawm, Vajtswv thiaj muab nws thiab timtswv uas raug dab ntxwgnyoog ntxias tau lawm pov los rau ntiajteb (**Tshwmsim 12:4**).

Tus thawjneeg tuav tegnum koj tsevneeg, tsev kwvtij, pawgntseeg lossis lub zejzog, tegnum no tseemcee heev vim lub luagnum yog saib xyuas txhua txhia yam hauv thiab pab tsoom pejxeem txhua leej thiab koj sawvdaws mus kom txog chaw raws lub homphiaj ua tau teem tseg.







# MENYUAM KOOBHMOOV

CHU-YIN T. HER Carmichael, California

“Neeg ua tsis tau, tiamsis Vajtswv ua tau; rau qhov Vajtswv ua tau ib puas tsav yam huv tibi.” Malakaus 10:27

# KOOBHMOOV



## VAJTSWV

tau pab kuv thiab kuv tus aivniam Nkauj Nqee wb ib niamtxiv lub neej. Yog Vajtswv tsis pab xyov puas yuav muaj wb tus ntxhais Suabnkaujzoo Hosanna. Yog nej leejtwg ntsib li qhov wb ntsib, nej tsis txhob nyuaj siab. Vajtswv yog tus pab tau. Kuv cia siab hais tias thaum koj nyeem tsab xovxwm no tag koj yuav pom Vajtswv txojkev hlub loj tshaj li yav tag los. Thov Vajtswv foom koobhmoov rau koj.

Suabnkaujzoo Hosanna yug lub 7/19/2016. Thaum nws yug los nws muaj 3 lbs. (pounds) thiab 8.5 ounces.

Vim yog menyuam koobhmoov ntawm Vajtswv, hhubno nws muaj 5 xyoo rau thaum lub 7/19/2021 tag los.

Vajtswv pab nws loj siab zoo ib yam li tej menyuam uas yug puv hli tsis txawv li. Hosanna tabtom kawm ntawv qib kindergarten. Tej uas nws nyiam ua yog thaxim (coloring), uasi nrog nws cov dinosaurs, tea party thiab mus ua slid pem playground. Ua tsaug rau Vajtswv uas Nws tso mkwm kuv tus ntxhais Hosanna loj hlob zoo nkauj thiab nquag heev.

Xyoo 2015 kuv thiab Nkauj Nqee wb tau thov Vajtswv kom nws pub ib tug me-



Kaiser Hospital (Roseville, CA) N.I.C.U.  
07.19.2016 / 3lbs 8.5ounces

nyuam ntxiv rau wb ua zaum kawg. Xyoo 2016 Vajtswv thiaj pub ib tug menyuam koobhmoov rau wb.

Thaum lub 5 hlis xyoo 2016, kuv aivniam txawm pib mob plab ces kuv thiaj coj nws mus ntsib nws tus thajmaum (doctor). Thaum doctor los kuaj tag ces lawv pom hais tias nyob rau hauv nws lub tsev menyuam mas txoj hlab ntaws (placenta previa) txua ntawm leejniam thiab tus menyuam los thaiv qhov chaw yug menyuam lawm. Yog tsis ua zoo saib thiab tsis ceevfaj es thaum yug tus menyuam txoj hlab ntaws yuav tu. Thaum txoj hlab ntaws tu, koj tsuas muaj 10-15 nathis (minutes) los cawm tus menyuam xwb. Yog tseem tos ntev tshaj qhov ntawm ces doctor pab tsis tau lawm. Vim yog lino doctor thiaj tsis pub aivniam mus tsev. Nkauj Nqee thiaj tau nyob tim hospital tau 2 hlis. Cov nurses saib thiab tu Nkauj Nqee nruab hnuv hmo ntuj zoo heev. Lub sijhawm no doctor tsuas pub Nkauj Nqee noj tej mov tsuavx

xwb. Tsis pub noj qabzib thiab nqaij muaj roj li. Kuv los tseem ua haujlwm hmo ntuj tsis tau pw li thiab mas kuv nyuaj siab thiab nkees kawg.

kuv lub siab kuv thiaj thov Vajtswv hais tias *“Tus Tswv, yog koj tsis pab kuv tus aivniam es leejtwg thiaj yuav pab tau nws.”* Thaum kuv thov Vajtswv lino tag kuv lub siab thiaj kaj mentsis.

Doctor thiaj coj Nkauj Nqee mus rau tom chav hoob phais (surgery) menyuam. Thaum doctor phais tau Hosanna los, kuv pom kuv tus ntxhais thawjx zaug mas nws txim hlab heev. Nws meme puv lub xibteg xwb. Kuv xav hais tias xyov yuav ua licas nws thiaj loj hlo zoo li lwm tus menyuam.

Vim Hosanna me-me heev (3 lbs.) ces lawv coj nws mus tu rau hauv chav hoob hu ua Neonatal Intensive Care Unit (NICU). Nyob rau hauv NICU, lawv siv menyuam txaj femfab los neu kom sov nws lub cev thiab pub mis rau haus. Vim nws me-me tsis txawj hu mi ces doctor txua ib txoj ya ntawm nws lub

*“Tus Tswv, yog koj tsis pab kuv tus aivniam es leejtwg thiaj yuav pab tau nws.”*

Thaum lub 7 hlis tim 19 yav sawv ntxov Nkauj Nqee txawm pib mob plab. Cov naimaum (nurses) thiab doctor los saib ces lawv hais tias tus menyuam poob qis heev lawm. Tsis tag li xwb txoj hlab ntaws twb los thaiv qhov chaw yug menyuam tag lawm ces peb yuav tau phais (c-section) xwb thiaj cawm tau tus menyuam.

Thaum no kuv nyuaj siab, txhawj thiab ntshai kawg li. Nyob hauv

qhovtwg tso mis rau nws haus. Thaum koj saib cov nurses ntxig ya rau nws lub qhovntswg thiab nrho nws cov ntshav coj mus kuaj mas yus lub siab tsis kheev li vim tias zoo li mob-mob nws kawg li. Yus tsuas pom nws quaj ib-ob suab xwb ces nws ntsiag twjywm lawm xwb. Sai rau ntawm tus menyuam mas ua cas yuav hlab nws ua luaj.





Jensen Botanical Garden  
Carmichael, California  
September 18, 2021

Hosanna nyob hauv NICU tau ib lub hlis nkaus. Nyob nruab nrab hauv ib lub hlis ntawd doctor muab nws neu femfab, pub mis rau haus, muab nws ntxeev pw ib sab rau ib sab thiab rho ntshav mus kuaj kom tsis txhob muaj lwm yam kabmob kis rau nws. Kuv aivniam twb tsis taug kiag li lo nws ua tiaj-ua tiag mus saib thiab tso kua mis rau me-nyuam haus.

Ua ntej doctor tso wb tus me-nyuam mus tsev nws yuav tsum txawj haus mis thiab nce pounds zuzjus mas lawv thiab kam wb coj nws mus tsev. Ib lub hlis txwm nkaus Hosanna thiab nce 4 lbs. 10.1 oz thiab haus tau 50ML mis ces doctor thiab cia wb coj Hosanna mus tsev.

Vajtswv zoo heev. Nws pab kuv tus ntxhais loj zoo nkauj thiab kheemlees kawg li. Koj saib seb, tus menyuam uas muaj 3 pounds (lbs) nimno nws loj zoo nkauj thiab txawj cuab thaj kawg li.

Vajtswv Tau  
Koobmeej!

“I AM A CHILD OF  
**GOD**”

~ 1 John 3:1



# YEXUS TEJ TXUJCI

No.	Txujci (Miracle)	Mathais	Malakaus	Lukas	Yauhas
1	Yexus muab dej txia ua caw txiv hmab nyob rau hauv ib lub tshoob hauv lub nroog Kanas				2:1-11
2	Yexus kho ib tug thawj Theejcom tus tub nyob hauv lub nroog Kapena-us				4:45-54
3	Yexus kho tus txivneej raug dab nyob rau hauv lub nroog Kapena-us		1:21-28	4:38-39	
4	Yexus kho Petus niam tias	8:14-17	1:29-31	4:38-39	
5	Yexus kho ntau leej zoo mob rau thaum hnuv poob qho yuav tsaus ntuj	1:32-34		4:40-41	
6	Lub vas mag tau ntsees ntau kawg li			5:4-11	
7	Yexus kho tus txivneej mob ruas	8:2-4	1:40-45	5:12-16	
8	Yexus kho tus thawj Theejcom loos tus tubtxib	8:5-13		7:1-10	
9	Yexus kho tus txivneej uas tuag tes tuag taw	9:2-8	2:1-12	5:17-26	
10	Yexus kho tus txivneej qhuav tes	12:9-14	3:7-12	6:17-19	
11	Yexus tsa tug pojntsuam tus tub sawv rov qab los nyob hauv lub nroog Na-is			7:11-17	
12	Yexus txwv cua daj cua dub	8:22-23	4:36-41	8:23-25	
13	Yexus kho tus (2) txivneej raug dab/cov dab nkag mus rau hauv pab npua	8:28-34	5:1-20	8:26-39	
14	Yexus tus pojntsuam uas muaj lub cev los ntshav (kov Yexus lub qab tsho)	*:20-22	5:24-34	8:42-48	
15	Yexus tsa Yailus tus ntxhais ciaj rov los	9:23-26	5:35-43	8:49-56	
16	Yexus kho 2 tug txivneej digmuag	9:27-31			
17	Yexus kho tu ruam raug dab rov hais tau lus	9:32-34			



No.	Txujci (Miracle)	Mathais	Malakaus	Lukas	Yauhas
18	Yexus kho tus txivneej ceg tawd ntawm lub Pasdej Npexatha				5:2-15
19	Yexus mus mov rau 5,000 leej	14:13-21	6:30-44	9:10-17	6:1-14
20	Yexus mus kotaw saum nplaim dej/txwv cua	14:22-33	6:45-52	6:16-21	
21	Yexus kho mob hauv Kenexale (lawv kov Yexus lub qab tsho xwb ces lawv zoo mob nkeeg tag)	14:34-36	6:35-36		
22	Yexus kho tus pojniam Kana-as tus txhais raug dab (kev ntseeg)	15:21-28	7:24-30		
23	Yexus kho tus txivneej lag ntseeg/hais tsis tau lus		7:31-37		
24	Yexus pub mov rau 4,000 leej	15:29-39	8:1-10		
25	Yexus kho tus txivneej digmuag hauv lub nroog Npexaidas		8:22-26		
26	Yexus kho tus txivneej digmuag thaum yug los				9:1-7
27	Yexus kho tus tub raug dab	17:14-19	9:14-29	9:37-43	
28	Muab lub nyiaj hauv tus ntses coj mus them se	17:24-27			
29	Yexus kho tus txivneej digmuag, hais tsis tau lus, thiab raug dab	12:22-23	3:20		
30	Yexus kho tus pojniam khoov duav rau Hnub So			13:10-13	
31	Yexus kho tus txivneej tes taws phobvog rau Hnub So			14:1-6	
32	Yexus kho 10 tus mob ruas			17:11-14	
33	Yexus tsa Laxalau hauv lub nroog Npethani				11:1-45
34	Yexus kho 2 tug digmuag (Npatimes)	20:29-34	10:46-52	18:35-43	
35	Yexus foom tsob txiv ncuavpias	21:18-22	11:12-14		
36	Yexus kho tus tub qhev sab nplooj ntseg			22:51	
37	Zaum thib 2 uas lub vas ntses ntau tau ntse ntau heev				21:4-11

# JESUS IS THE ANCHOR OF MY SOUL

TSWV PAB YANG Marysville, California



"Every good and perfect gift is from above, coming down from the Father of the heavenly lights, who does not change like shifting shadows."

- James 1:17



# W

e treat each and every day as a blessing from above and know that through it all, God remains by our side.

In July, the Marysville church was able to gather for a 4th of July event. We started the day with an early game of

Kickball at the park, lunch and swimming in the afternoon and ended the day with fireworks at night. Towards the end of July, multiple families took a camping trip together to enjoy the great outdoors in South Lake Tahoe. Minus the bear sightings and close encounters for some, everyone had a blast relaxing with friends and family.





*Happy*



**J4**





# CAMPING





The month of August was kicked off with the local Women's Ministry taking a day trip to San Francisco's Baker Beach for a Picnic at the Beach. This was a day for the local sister's to have fun, dress up, take lots of pictures and just enjoy each other's company. The day ended with a walk through China Town and unexpectedly being able to watch a Chinese Lion Dance.







**We**

ended August with gathering to celebrate God's many blessing towards Tubtxib Tswv Pab Yang. His wife put together an event to Thank God for all that He has done, keeping him healthy and strong through the many storms he had to navigate through. And how through it all, Jesus remained the Anchor of his Soul. God's love for him will be a testimony shared by him at a later date.



In closing, we want to say a BIG THANK YOU to all that came and supported Tubtxib Tswv Pab's event. Your love and generosity, the distance traveled is not forgotten, Thank You from the bottom of our hearts.



# Peb Ntseeg

## We Believe

### **Tib Tug Vajtswv Xwbnkaus (The One True God)**

Muaj tib tug Vajtswv xwbnkaus. Nws yog tus tsim ntuj tsim teb thiab Nws yeej ibtxwm nyob thaum chivkeeb los lawm. Tus TSWV xeemxwm yog vajpebleeg: Leej Txiv, Leej Tub, Yexus Khetos, thiab Vajntsujplig tus Dawbhuv. Efex. 4:6; I Tim. 2:5

### **Vajtswv Txojlus (The Holy Scripture Inspired)**

Phau Vajlugkub Qub thiab Vajlugkub Tshiab yog Vajtswv Txojlus tseeb. Vajtswv Txojlus tsis muaj ib qho yuamkev thiab yog Txojlus qhia peb ua neej. II Tim. 3:16

### **Kev Tsim (The Creation)**

Vajtswv tsim noobneej muaj Vajtswv tus yamntxwv zoo li Nws. Vajtswv tsim txhua yam uas peb lub qhovmuag pom, qhovmuag tsis pom, yam uas nyob saum ntuj, nyob hauv ntiajteb, yam uas nyob hauv qab vuamsaws uas muaj nyob thiab tsis muaj nyob huv tibi. Chiv. 1:1, 27; 2:4; Yauh. 1:3

### **Noobneej Poob Kev Txhaum (The Fall of Man)**

Noobneej yog Vajtswv tsim los nrog Vajtswv sib raug zoo. Vim noobneej tsis mloog Vajtswv lus, noobneej thiaj noj lub txiv ntoo uas txwv tsis pub noj, noobneej thiaj tau txais lub cim tuag. Chiv. 2:16-17; 3:6

### **Kev Cawmdim (The Redemption [Salvation])**

Kev cawmdim yog los ntawm Vajtswv tus Tub, Yexus Khetos. Nws yug los ua neeg thiab nws yog Vajtswv. Nws tsis muaj ib qho kev txhaum thiab nws cov ntshav los ntxhuav peb lub txim. Mt. 1:18, 22-23; Efex. 1:7

### **Koom Ua Ib Lubcev Ntawm Tswv Yexus (The Body of Christ [The Church])**

Txhua tus ntseeg uas nyob thooimplaws txhua lub tebchaws, txawm hais yam lus twg, nyob deb lossis nyob zeb puavleej koom ib lub cev ntawm Tswv Yexus. Lk. 22:19-20; Efex 4:3-5; 5:23

### **Tus Ntsujplig Uas Dawbhuv (The Holy Spirit)**

Vajntsujplig tus Dawbhuv yog tus pab uas Yexus Khetos txib los pab peb thiab txhawb peb lub zog. Tus uas ntseeg Yexus Khetos tus ntawd yuav tau ua kevcai rausdej thiab yug dua tshiab hauv Vajntsujplig tus Daw-

bhuv. Yauh. 7:37; Tes Hauj. 4:8

### **Lub Neej Dawbhuv (The Sanctification)**

Tus ntseeg nws yuav tsum ua nws lub neej dawbhuv. Nws muab tej kev phem kev qias tso povtseg. Nws muab nws lub neej fij tagrho rau Vajtswv. Loos 12:1-2

### **Tshaj Txojmoo Zoo (The Great Commission)**

Vajtswv samhwm kom cov ntseeg cia li tawm mus qhia txojmoo zoo rau txhua haivneeg hauv qab ntuj no kom hnov, paub, ntseeg, thiab los txais Tswv Yexus los ua lawv tus Tswv thiab tus Cawmseej. Mt. 28:19-20

### **Kev Khomob (The Divine Healing)**

Lub hwjchim khomob nkeeg, ntiab dab, thiab tej txujci yog los ntawm Yexus Khetos. Nws pub nws lub hwjchim rau nws cov tubtxib siv. Mt. 8:3; Lk. 8:26-33

### **Tus Neeg Tuag Lawm Yuav Ciaj (The Blessed Hope)**

Thaum tus Tswv Yexus Khetos rov qab los saum ntuj los, cov ntseeg uas pw tsaug zog (nruamsim) lawm yuav sawv rov qab los. Cov ciaj thiab cov tuag yuav mus ntsib tus Tswv Yexus Khetos sawm ib nta ntuj. I Thex. 4:16-17

### **Tswv Yexus Kav 1,000 Xyoo (The Millennium Reign of Christ)**

Cov ntseeg uas dawbhuv yuav nrog Yexus Khetos kav ibtxhiab xyoo ua ntej yuav muaj kev txiavtxim zaum ob. Tshwmsim 20:4-6

### **Kev Txiavtxim Thaum Kawg (The Final Judgment)**

Txhua tus neeg tsis hais tus uas muaj sia thiab tsis muaj sia lawm yuav tau los sawv ntawm tus Tswv lub rooj Txiavtxim. Tus Tswv yuav txiavtxim raws li nyias te- gnum ua yav tag los. Tshwmsim 20:14-15

### **Lub Ceebtsheej Tshiab Thiab Ntiajteb Tshiab (The New Heaven and New Earth)**

Lub ntuj Ceebtsheej Tshiab thiab Ntiajteb Tshiab yuav tshwm tuaj. Lub ceebtsheej qub thiab ntiajteb qub yuav ploj mus. Cov ntseeg Yexus Khetos yuav mus nyob hauv lub ceebtsheej thiab lub ntiajteb tshiab mus ibtxhis. Tshwmsim 21:1-4, 27

# “Let there be Light.”

- Genesis 1:3

## Answer from Page: 5

1. A. Ntab (Cov Thawj 14:8)
2. C. Ntxhuav (Mathais 3:4)
3. B. Neesluav (Yauhas 12:4)
4. Nyiaj, liab, yajyuam (1 Vajntxwv 10:22)
5. Luv, os dej dawb, nquab taug (Yaxayas 38:14)
6. Nyuj, tshis, yaj (Chivkeeb 15:9)
7. Tseeb (2 Petus 2:22)
8. Tsis Yog (Hma, Lukas 13:32)
9. Yog (Cov Thawj 14)
10. Nab (Chivkeeb 3:2)
11. Neesluav (Teev Npe 22:28)
12. Yexus (Lukas 12:6)



Salvation Church of God, Inc.  
The Salvation News  
PO Box 1204  
Olivehurst, CA 95961

Copyright © 2021 by SCG. All Rights Reserved. No part of this publication may be reproduced in any form or by any means without the publisher's prior written permission.

## ***News Report***



Caw tsoom xibfwb, txwjlaug,  
fajthwj, niamtsev, txivtsev  
thiab tub-ntxhais hluas  
yog nej muaj xovxwm zoo  
xav muab tsotawm,  
email rau  
Xf. Tswv-Yeej T. Hawj.

**Newsletters** are posted quarterly.

Visit SCG website:  
[www.salvationchurchofgod.org](http://www.salvationchurchofgod.org)  
Email: [cher@salvationchurchofgod.org](mailto:cher@salvationchurchofgod.org)



**Salvation Church of God, Inc. Main Office**  
4626 E. Dakota Ave • Fresno, CA. 93726 | Telephone: (414) 232-3844 • (530) 218-6851  
Email: [scgmainoffice@salvationchurchofgod.org](mailto:scgmainoffice@salvationchurchofgod.org) | Website: [www.salvationchurchofgod.org](http://www.salvationchurchofgod.org)